

Na osnovu člana 70. stav (1) (3) i (6) i člana 72. stav (3) tačka a) i člana Zakona o javnim nabavkama Zakona o javnim nabavkama („Službeni glasnik BiH“, broj: 39/14 i 59/22), u konkurentskom postupku- nabavka računara i računarske opreme za potrebe Gradskog organa uprave Grada Bosanska Krupa u 2023. godini, Gradonačelnik grada Bosanska Krupa, kao rukovodilac organa uprave donosi:

ODLUKU

o dodjeli Ugovora drugorangiranom ponuđaču

- 1. Odluka o izboru najpovoljnijeg ponuđača broj 07-11-5-4044/23 od 13.06.2023. godine, stavlja se van snage, jer je izabrani prvorangirani ponuđač d.o.o. „ELUR“ Kiseljak, propustio dostaviti originale ili kopije dokumentacije iz člana 45. Stav (1) tačka c) i d) Zakona o javnim nabavkama u roku koji mu je odredio ovaj Ugovorni organ.**
- 2. Ugovor o nabavci računara i računarske opreme za potrebe Gradskog organa uprave Grada Bosanska Krupa u 2023. godini se dodjeljuje drugorangiranom ponuđaču PR „SMART COMPUTER“, s.p. Stanar Slaviša, Prijedor, sa cijenom u iznosu 12.100,00 KM bez PDV-a, odnosno 14.157,00 KM sa PDV-om.**
- 3. Izabrani drugorangirani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.**
- 4. Prijedlog Ugovora o nabavci dostavit će se na potpis izabranom ponuđaču po protoku od 15 dana, računajući od dana kada su svi ponuđači obaviješteni o izboru najpovoljnije ponude.**

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-4044/23 od 8.5.2023. godine. Javna nabavka je provedena putem konkurentskog postupka nabavke roba- nabavka računara i računarske opreme za potrebe Gradskog organa uprave Grada Bosanska Krupa u 2023. godini. Obavještenje o nabavci broj: 1272-7-1-55-3-51/23 od 9.5.2023. godine - objavljeno na portalu JN (TD preuzelo ukupno 23 ponuđača) i objavljeno u Službenom glasniku broj: 33/23 dana 12.5.2023. godine i službenoj web stranici Grada Bosanska Krupa. Po objavljenom obavještenju rok za prijem ponuda je bio 22.05.2023. godine do 14,00 sati. Do označenog roka za prijem ponuda na protokol Ugovornog organa je pristiglo šest ponuda: „ELUR“ d.o.o. Kiseljak, „R.E.D. COMPUTERS“ d.o.o. Bihać, „INTER-COM“ d.o.o. Zenica, PR „SMART COMPUTER“, s.p. Stanar Slaviša, Prijedor, PR „MEDIA MARKET“, s.p. Trbulin Dejan, Prijedor i „SOFTKOM S“ d.o.o. Prijedor. Komisija za provođenje postupka javne nabavke je u skladu sa tenderskom dokumentacijom dana 22.05.2023.godine u 14,30 sati, izvršila javno otvaranje ponuda, izvršila evaluaciju pristiglih ponuda te dostavila izvještaj o radu (Zapisnik o evaluaciji ponuda od 22.05.2023. godine, nastavak od 29.5.2023. godine, nastavak od 7.6.2023. godine i Zapisnik nakon završene aukcije od 12.06.2023. godine, sa prijedlogom Ugovornom organu da donese

Odluku o izboru najpovoljnijeg ponuđača, i to prvorangiranog ponuđača d.o.o. "ELUR" Kiseljak i zaključi Ugovor.

Ugovorni organ je prihvatio prijedlog Komisije i donesena je Odluka o izboru najpovoljnijeg ponuđača d.o.o. "ELUR" Kiseljak broj 07-11-5-4044/23 od 13.06.2023. godine, s obzirom da je kriterij za dodjelu Ugovora „najniža cijena tehnički zadovoljavajuće ponude“ i da je ponuda prvorangiranog ponuđača u okviru procjenjene vrijednosti predmetne nabavke.

Tačkom 2. Odluke o izboru najpovoljnijeg ponuđača Izabrani ponuđač se obavezuje da u roku od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama.

Odluka o izboru najpovoljnijeg ponuđača broj 07-11-5-4044/23 od 13.06.2023. godine zajedno sa obavještenjem i zapisnicima Komisije o evaluaciji ponuda dostavljena je putem e-maila (elektronsko sredstvo u TD tačka 9. označeno kao način dostavljanja obavještenja o dodjeli) odabranom ponuđaču d.o.o. "ELUR" Kiseljak, dana 14.06.2023. godine, koji je u skladu sa tačkom 2. Odluke, tačkom 2. tenderske dokumentacije, a shodno članu 72. stav (3) pod a), bio obavezan u roku od 5 dana zaprimanja obavještenja o rezultatima postupka dostaviti dokumente u skladu sa datom izjavom iz člana 45. Stav (1) tačka c) i d) Zakona o javnim nabavkama.

Na osnovu gore navedenog izabrani ponuđač d.o.o. "ELUR" Kiseljak je bio u obavezi dokaze/dokumente o ispunjavanju uslova u skladu sa datom izjavom iz člana 45. stav (1) tačka c) i d) Zakona o javnim nabavkama, dostaviti na protokol Ugovornog organa do 19.06.2023. godine.

Do označenog roka na protokol Ugovornog organa izabrani ponuđač d.o.o. "ELUR" Kiseljak, nije dostavio traženu dokumentaciju iz člana 45. stav (1) tačka c) i d) Zakona o javnim nabavkama, s toga Ugovorni organ postupa u skladu sa članom 72. stav (3) tačka a) Zakona o javnim nabavkama i prijedlog Ugovora dostavlja onom ponuđaču čija je ponuda po rang- listi odmah nakon ponude najuspješnijeg ponuđača.

Ponuđač **PR „SMART COMPUTER“, s.p. Stanar Slaviša, Prijedor** je drugorangirani ponuđač nakon okončane aukcije sa cijenom u iznosu **12.100,00 KM bez PDV-a**, odnosno **14.157,00 KM sa PDV-om**.

U skladu sa naprijed navedenim, Ugovorni organ je postupio u skladu sa članom 72. stav (3) tačka a) Zakona o javnim nabavkama i ugovor dodijelio drugorangiranom ponuđaču **PR „SMART COMPUTER“, s.p. Stanar Slaviša, Prijedor**, kao što je i navedeno u članu 2. ove Odluke.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:
Selma Bužimkić

GRADONAČELNIK
Armin Halitović

Dostavljeno:

1. PR „SMART COMPUTER“, Prijedor putem e-maila
2. „ELUR“ d.o.o. Kiseljak, putem e-maila
3. „SOFTKOM S“ d.o.o. Prijedor putem e-maila
4. PR „MEDIA MARKET“ putem e-maila
5. „R.E.D. COMPUTERS“ d.o.o. Bihać, putem e-maila
6. d.o.o. „INTER-COM“. Zenica, putem e-maila
7. U spis
8. a/a
- 9.